

Diskour l'honorab Deepak Balgobin  
Minis Teknolozi l'Informasyon,  
Comminikasyon ek l'Innovasyon

Award Ceremony National Innovation  
Challenge (3e Edition)

Mauritius Research and Innovation Council

1<sup>st</sup> of June 2024 a 18h00 pm  
Ballroom, Le Meridien Ile Maurice  
Village Hall Lane, Pointe aux Piments

- **Monsieur Doonunjoy Dassaye, Secrétaire Permanent de mo Ministère,**
- **Dr Kaviraj Sukon, Président Conseil Administration, MRIC**
- **Professeur Teeshan Bahorun, Directeur Exécutif, MRIC**
- **Bane Chefs Institutions Publics et Privés,**
- **Tout bane participants ek finalistes National Innovation Challenge,**
- **Chers invités,**
- **Mesdames et Messieurs,**

**Bonsoir tout dimoune.**

Laisse mo saluer bane téléspectateurs ki p guet nou en direct lor MBC en ce moment et ki finn suivre depi commencement l'année 31 épisodes Inové Moris - National Innovation Challenge.

Azordi li fer moi enn grand plaisir pou être la pour sa ceremonie de remise des prix la et dans pas trop longtemps nou pou decouvert ensam bane noms de bane gagnants.

Apré succès premier et deuxieme édition National Innovation Challenge, nou fine decider l'annee dernière pou lance sa 3eme edition la.

Mo capav dire ki c'est avec enn grand l'intérêt ki mo fine suivre bane diffèrent étapes de sa compétition la.

Mo aussi finn aprane ki beaucoup nou bane compatriote fine suivre bane l'émission Inove Moris lor television et sa li demontrer l'interet ki la population ena pou nou avancer a travers l'innovation.

Et azordi, nou pou celebrer la fin de sa 3eme edition la ki fine preparer dans enn l'objectif pou devoil bane differents innovation ek innovateurs dans tout coin Maurice, ek en meme temps pou nou encourage l'innovation encore pliss.

Couma mo fine dire dans mo message ki finn passer dans premier episode Inové Moris, nou pays fine fer face boucou defi sa banne dernier l'annee la.

Nou fine pass par COVID, par recesion Mondial, par laguer dan Ukraine et Israel, ek tout sa la finn ena enn limpact lor nous pays.

Pou nou kpav faire face a sa bane defi la, nou bisin met boucoup zeffort dans Innovation dans tout secteur.

Et kuma nou conné, nous, bane mauriciens, nous bane innovateur-né, nous bane debrouillard, nous kone faire bane zafer marché et nous tout le temp tracé dans banne moment difficile.

Et surtout nou surmonte tou bane obstacle ki presente devan nous a travers nous lesprit creatif.

C'est pour sa ki nou fine vine de l'avant avec sa saison 3 du national innovation challenge.

L'Organisation de Coopération et de Développement Economiques (OCDE), ki enn l'organisation inter-gouvernementale internationale, dans so dernier rapport lor Innovation dans secteur Government fine souleve plisieurs bane points important:

*(mo cite rapport la) Banne Gouvernement a travers le monde bisin innové constamment. Enn gouvernement pas kapav continuer fonctioner et donne service si li pas inové et sans li trouve banne solution a banne problem ki li ti fer face avant. Innovation li un facteur stabilisateur, un facteur resilience pour enn gouvernement. (Fin de citation)*

C'est d'ailleurs ceki nou fine démontrer tout au long implementation nou programme Gouvernemental.

C'est important pou nou c'est PROGRES ek Bien-Etre tou bane citoyens. Mo Ministère fine implemente enn series mesures innovateur ek laisse mo cite zot deux trois lexemple :

- a. Mokloud-pou dimoune evite met longue laké pou gagne document l'état civil. Zot download zot lacte de naissance depi zot telephone meme.
- b. Morendez vous- pou diminuer banne longue laké dans banne institution publique, par exemple Biro Passeport, ou pou tir nou carte identité.

- c. Creation Mauritius Emerging Technologies Council ek organisation premier sommet lor l'Intelligence Artificielle ek premier Exhibition dans Maurice lor bane nouveau technologie.
- d. MAIA – enn robot humanoid ki aide ou gagne linformation lor enn service public ek aussi enn chatbot.

Lancement premier nanosatellite Mauricien MIRSAT1 et preparation pour enn deuxième satellite ; parmi boucou lezot innovation ki nou finn amener pou digitalise bane service public.

Tout sa, pou dire zot ki sa Gouvernement la, diriger par Premier Ministre, l'honorab Pravind Kumar Jugnauth, finn touzours met boucoup zeffort lor innovation. Et nous pas pou aret la.

Grace a bane initiative ki MRIC p prend, nou p decouvert tout les zours, bane talents ki bane mauriciens ena.

Gouvernement dans budget 2023-2024 ti mette 92 millions roupies a la disposition (MRIC) pou nou encourage ek finance la recherche ek l'innovation.

C'est grâce a zot ki nou pou continuer innover et laisse mo dire zot ki nou pou met en place encore pliss mesures ki pou aide zot innové.

Azordi, mo ena devant moi 26 l'equipes innovateur.

Sa banne innovateurs la ine prouver ki si zot croire dans zot mem, dans zot l'idée et zot ena passion ek motivation pou créer banne zafer

extraordinaire, zot pou reussi amene bane produit ek service qui ameliore nou la vie tout les zours.

Azordi ceki National Innovation Challenge p démontrer, c'est ki nou, en tant ki Mauricien, en tant ki patriote, nou capav amene nou pierre a l'edifice National, a travers L'innovation.

Pas blier ki Maurice li dézà enn nation d'innovateur.

Par exemple, quand nou banne l'appareil electric casser, nou pas zet li direct. Nou amene li kot en technicien ki repare li. Comier parmi nou ena banne l'appareil ki date depuis plusieurs l'annee ki encore p fonctioné grâce a enn piece qui enn technicien fine fabriquer li meme.

Ena fois avec bane modifications, li marche pli bien ki l'appareil d'origine. C'est sa aussi appel innovation ou couman nou dire : tracer ou system D.

### **Mesdames et Messieurs,**

Azordi nou la pou célébrer l'innovation Mauricienne.

Mo finn bien fier kan mo finn decouvert sa banne innovation MAURICIENNE la. Et pour sa mo dire zot tout enn grand merci.

Couma zot fine trouver nou banne frere et sœur Rodriguais aussi fine participer a travers le Rodrigues Innovation Challenge.

L'innovation li pas conne barriere.

L'innovation concerne nou tout et pas zis bane dimoune ki dans l'atelier ou dans laboratoire.

Li plis bane ameliorations ki nou amener a travers bane nouvo fasson faire travail, nouvo application bane technologies existantes ek bane nouvo produits ek services.

Kuma ou fine trouver aussi avec enn participant dans Eastern High Security Prison ki fine faire 33 objets innovatif.

La mo tenir a saluer support et travail qui Mauritius Prison Service fine donner.

Couma mone dire, Innovation li pas arriver par accident. Li demane zeffort mental, physique et dans enn certaine mesures, zefforts financier aussi.

Sa banne innovateurs la ine travail nuit et zour pou amene un l'idee ki ti dans zot latet en réalité.

Et mo souhaiter ki zot simé pas arete avec sa competition la pou zot l'idee et zot projet.

Mo espérer ki zot continuer develop li et met li aux service de toute la population.

La mo lance un lapel a banne lezot Mauriciens ki ena banne l'idee mais kpav zot ki p hésiter pou developer.

Mo dire zot vinne de l'avant, vinne zoine nou.

ENSAM, nou capav fer zot l'idee vinne réalité avec support MRIC.

**Mesdames et Messieurs,**

Mo pas pou etre long et garde suspens la encore pli longtemps.

Nou pou coné dans enn ti moment ki sanla ki banne gagnant 3eme edition du National Innovation Challenge.

Mo dire encore enn fois, enn grand bravo a tout bane participants sa competition la.

Mo tenir a saluer l'equipe MRIC ek aussi la MBC ki finn faire enn travail remarquable pou realise sa projet la.

Felicitations a tout bane finalistes et a banne gagnants.

Mo souhaite zot tout bonne chance et bon courage pou la suite.

Anou continuer met nou l'idee ensam pou innové.

Anou INNOVE MORIS.

Mersi pou zot l'attention.